

四庫全書

子部

欽定四庫全書

子部

秘殿珠林卷十五至
七

詳校官中書臣吳璫

助教臣常循覆勘

總校官降調編修臣倉聖脉

校對官編修臣何循

謄錄監生臣賀雲錦

欽定四庫全書

秘殿珠林卷十五目錄

貯

乾清宮

名人書

道氏經冊上等

宋高宗書度人經一冊

元趙孟頫書度人經一冊

元趙孟頫書玉樞經一冊

元趙孟頫書金丹訣一冊

元趙孟頫書道德經一冊

明文徵明臨黃庭經一冊

明董其昌臨黃庭經一冊

明董其昌書陰符經一冊

明董其昌書煉陽訣一冊

明董其昌書三元妙經一冊

明董其昌書清靜經一冊

明董其昌書柳公權清靜經一冊

名人書

道氏經冊次等目錄

唐褚遂良臨道德經一冊

元趙孟頫書道德經一冊

元趙孟頫書道德經二冊

元趙孟頫書太上感應篇一冊

元趙孟頫書玉樞經一冊

元揭傒斯書玉皇經三冊

元虞集書五斗經一冊

明文徵明書清淨經內景經外景經合冊

明文徵明書道德經一冊

明朱射陂書金丹四百字一冊

明祝允明臨黃庭經一冊

明董其昌書黃庭內景經一冊

明董其昌書玉皇經一冊

明董其昌書玉皇經一冊

無名氏書

道氏經冊上等目錄

六朝鸞筆草書玉匱經一冊

元人書黃庭長生玉經四冊

明人書真武妙經一冊

明人書真武妙經一冊

明人書玉樞經一冊

明人書玉皇經三冊

無名氏書

道氏經冊次等目錄

明人書真君寶誥一冊

明人書玉樞寶懺二冊

明人書玉樞寶懺二冊

明人書玉樞經一冊

明人書玉樞經一冊

明人書玉樞經一冊

明人書玉樞經一冊

明人書參同圖一冊

明人書玉皇經三冊

欽定四庫全書

秘殿珠林卷十五

貯

乾清宮十五

名人書

道氏經冊

宋高宗書度人經一冊

上等天一

宋箋本楷書度人經三卷之一無款前後有紹

興聯璽末頁經名下有方壺外史方璽第一幅
第八幅有乾坤卦璽第五幅第十六幅第二十
三幅第三十一幅有方壺外史璽每頁右幅有
白宗與李嵩白描圖像末幅挂角款署臣白宗
與臣李嵩七字圖中分註經語亦宋高宗筆後
有弘治癸亥九月既望長洲吳寬觀十三字吳
門楊循吉五字又文徵明跋云宋思陵翰墨志
云余自晉魏以來至六朝筆法無不臨摹或蕭

散或枯瘦或適勁而不回或秀異而特立衆體
備於筆下意簡猶存於取舍初若食蜜喉間少
甘則已末則如食橄欖真味久愈有在故尤不
忘於心手頃自束髮即喜攬筆作字屢易典刑
而心所嗜者固有在矣凡五十年間非大利害
相妨未始一日捨筆墨也故銳意學書多歷年
所無不臻妙今觀所書度人經深得唐人餘習
而豪邁過之雖無年月可攷而前後有紹興二

璽及乾卦等印可據圖則文樞院學士白宗奭
三朝畫史李嵩應制之作款識稱臣云筆墨蒼
勁典雅有法敬閱之間令人頓生歡喜曾為買
平章所藏而有悅生秋壑圖記徵明又見度人
經有褚河南書間博陵繪其像此書亦有唐人
風韻乃師其意耶當為宸翰中第一希世奇寶
也時嘉靖乙未八月長洲文徵明謹書首幅有
沖元煮字生二印畫幅右角半印不可識又第

一幅第五幅第十五幅第三十五幅俱有悅生
印首幅末幅俱有秋聲印簽題宋高宗御書靈
寶度人經旁註文樞院學士白宗奭三朝畫史
李嵩合作圖類元明人筆計畫三十九幅字三
十九幅幅高九寸廣九寸三分俱書畫幅相對
中有通連者書畫各一幅書幅廣一尺九寸畫
幅廣九寸五分

元趙孟頫書度人經一冊

上等
地一

素箋印紅格本楷書中有管公樓三字旁有仲
姬手集四字蓋孟頫妻管道昇製以書文集紙
也歟云三教弟子趙孟頫書下有天水郡圖書
記印前有松雪齋印第四幅有趙字印前副頁
有老子像歟識云大德五年春日弟子趙孟頫
製下有趙氏子昂印歟字印章俱與冊中真跡
不同蓋後人補作計十九幅幅高七寸有奇廣
九寸三分

元趙孟頫書玉樞經一冊

上等
地二

金粟箋本小楷書款云吳興趙孟頫焚香敬書
下有大雅趙氏子昂二印前有趙字印後有江
上笄氏圖書印計二十七頁頁高三寸六分廣
三寸四分

按內府趙孟頫真跡甚多此冊特為精妙方知
上下五百年縱橫一萬里不為虛譽

元趙孟頫書金丹訣一冊

上等
地三

素箋本楷書欵識云大德改元六月廿五日松
雪道人書下有
大雅趙氏子昂趙孟頫印三印
前有大雅印一後有于統之印印一又半印不
可識末有濟南邢侗鑒定真蹟八字計十四幅
幅高七寸八分廣四寸八分

元趙孟頫書道德經一冊

上等
地四

磁青箋本泥金行書欵識云老子道德經六十
七章五千言詞博而義精雖神仙家語實切於

人倫之用奈何淺學迂儒笑而彼之全節吳尊
師學其學教其教所得為不少矣余故為之書
一過也至大三年十月晦日翰林院侍講學士
承旨榮祿大夫知制誥兼修國史趙孟頫拜誌
上鈐趙氏子昂印一前有項篤壽印琳印黃美
之氏少谿主人又項篤壽印黃氏淮東書院圖
籍項氏孔彰聖謨諸印幅中押縫有黃美之氏
印九琳印印九篤壽印十七葉正本印印十第

三十幅有項聖謨胥山樵項伯子諸印後有項氏孔彰心賞秘印天籟閣中文孫就李項篤壽印項子長父鑒定黃琳美之休伯諸印計三十幅幅前空磁青紙七寸五分高七寸六分廣一尺二寸有奇

明文徵明書黃庭經一冊

上等元一

墨箋本泥金書款識云嘉靖癸丑仲春既望長洲文徵明臨下有文徵明印印一計十六幅高

五寸一分廣二寸四分有奇

明董其昌臨黃庭經一冊

上等黃一

朝鮮鏡光箋本經尾有背臨黃庭外景經七字
歟識云黃庭經為右軍換鶯經相傳已久又有
謂換鶯乃道德經太白詩可據而華陽隱居與
梁武帝書已有黃庭之評已孫過庭亦唐時書
家稱黃庭者不一而足乃今世所傳石刻字形
大小各本不同何論用筆吾家藏宋榻師古齋

帖宋高宗刻於大內字形稍開拓元人稱為越
州石氏本較之寶晉齋絳帖等頗異然以為右
軍跡未必可信況換鶩何據也吾輩但向官奴
玉潤禊帖見其風韻神情不落唐人蹊徑自成
一家足矣董其昌下有董其昌印計六頁頁高
七寸五分廣七寸八分

明董其昌書陰符經一冊

上等黃二

朝鮮鏡光箋本楷書款識云甲子十月九日書

其昌後有其昌太史氏二印前有子字小方印
又前有松石一幅後有寒樹山亭一幅無款審
定之皆其昌筆也計五頁頁高八寸廣八寸五
分

御筆題籤籤上有乾隆宸翰小璽

明董其昌書煉陽訣一冊

上等黃三

素箋本行書無款實其昌手筆計十幅幅高八
寸四分廣三寸一分

御筆題籤籤上有乾隆御筆小璽

明董其昌書三元妙經一冊

上等黃四

朝鮮鏡光箋本楷書款識云大明天啓四年十一月十五朝賀聖壽之次日書竟又跋云趙吳興所書道釋經甚多獨遺此經乃傳持者無論通都大邑而京師尤甚朱萬年發願勒石流通冀承福力解疾延生故為書此董其昌識無印計二十二頁頁高九寸七分廣八寸四分

明董其昌書清靜經一冊

上等黃五

朝鮮箋本楷書無款後草書唐人七律二首款
識云丙子六月祈雨有應信宿清陰展讀杜詩
書七言律二首八十二翁元宰識下有董元宰
宗伯學士二印計十二幅幅高七寸五分廣四
寸

明董其昌臨柳公權清靜經一冊

上等黃六

朝鮮箋本楷書無款識云柳誠懸書小楷清靜

經筆法與顏魯公相似今藏義興吳光祿家余
以己參合書之以俟鑒者後書顏真卿宋廣平
碑側記歎識云顏魯公得筆於張長史又深學
獻之此宋廣平神道碑側記用筆挺勁處又放
和緩兼之真不可及董其昌臨并識下有宗伯
學士董氏元宰二印計十頁頁高九寸八分廣
一尺一寸有奇

名人書

道氏經冊

唐褚遂良臨道德經一冊

次等天一

素絹本欵識云右道德經乃晉王羲之遺山陰
劉道士書道士以鶩羣獻右軍者是也歷宋齊
梁陳四朝今入祕府遂良備員內省因得廁觀
敬記其後貞觀十五年三月廿八日諫議大夫
知起居注褚遂良書計四十七幅

元趙孟頫書道德經一冊

次等天一

素箋本款識云元貞二年仲夏避暑玉山草堂
書吳興趙孟頫前有黑絹本泥銀畫授經圖款
云授經圖吳興趙孟頫製後有危素跋一計五
十一幅

元趙孟頫書道德經二冊

次等
地二

磁青箋本泥金楷書款云吳興弟子趙孟頫敬
書前有老子像後有徐甲像俱泥金畫上冊計
二十九頁下冊計三十四頁

元趙孟頫書太上感應篇一冊

次等
地三

磁青箋本泥金楷書後附真西山序款識云皇

慶元年十二月朔日吳興趙孟頫熏沐敬書計

八頁

元趙孟頫書玉樞經一冊

次等
地四

磁青箋本泥銀書款識云恭觀九天玉樞寶經

一卷辭文隱奧功德宏深開悟羣迷救度諸厄

於是手寫此經永傳於世至心受持者獲福無

量云吳興趙孟頫書後有董其昌孫孟芳二跋

計四十三幅

元揭傒斯書玉皇經三冊

次等元一

磁青箋本泥金楷書無款後趙孟頫跋一跋中

敘揭傒斯書經顛末上冊前有玉皇像款云清

河張渥敬寫下冊後有護法像俱泥金畫上冊

計三十六頁中冊計二十九頁下冊計二十七

頁

元虞集書五斗經一冊

次等黃一

素箋本楷書欵識云天厯三年正月十二日侍書學士臣虞集奉勅書無印經中真君像附見白描畫計一百五頁

明文徵明書清淨經內景經外景經合冊

次等字一

墨箋本泥金楷書欵識云嘉靖壬子仲春之朔予焚香靜室神明其慮齋沐研金拜倣晉右軍黃庭筆意每晨端肅手書數百字浹旬而成因

延仇實父寫老聃像於首供之齋頭以便恭誦
奉道弟子長洲文徵明識今按經前無仇英繪
老子像有董其昌跋一計三十四頁

明文徵明書道德經一冊

次等
字二

墨箋本泥金楷書款識云嘉靖改元歲在壬午
清和月上弦前二日奉道弟子長洲文徵明熏
沐拜書前有老子像泥金畫計三十三頁

明朱射陂書金丹四百字一冊

次等
宙一

素箋本行楷書款識云己酉重陽後二日自平
望回舟至莘老鋪書射陂下三字不可識計十

三頁

明祝允明臨黃庭經一冊

洪一

磁青箋本泥金書款識云正德庚辰春月余暇
坐小齋展閱右軍黃庭遂研金對臨愧不能仿
佛羲之萬一耳枝山祝允明謹識前有仇英磁
青箋本著色畫老子像泥金隸書元宗御贊款

云弟子仇英并寫後有王世貞跋一胡若愚跋

二計十一幅

明董其昌書黃庭內景經一冊

次等
荒一

素箋本楷書款識云右楊義黃素黃庭經真跡

趙文敏集有長歌乃其所藏也楊書以郝氏為

師不學右軍父子然翩翩有沖霄之度實自餐

霞服烝中來非臨池工力所能庶幾也米元章

待訪錄云六朝人書無虞褚習氣余為庶常時

見之韓宗伯館師曾摹列入鴻堂帖數行頗惜
趙吳興何以都無臨本傳世也庚午八月十二
日書於百花里之保和堂時年七十有六董具
昌識後有陳繼儒跋一計七幅

明董其昌書玉皇經一冊

次等
荒二

宣德箋本楷書款云奉道弟子董其昌熏沐敬
書前有玉皇像後有徐甲像俱白描畫計七十

一頁

明董其昌書玉皇經一冊

次等
虎三

宣德箋本楷書款識頁數同前

無名氏書

道氏經冊

六朝鸞筆草書玉匱經一冊

上等
天一

素箋本款識云過武夷幔亭峰書贈道者紫霞

白雲子後有紫霞真人謝鑒微藏八字元陽子

靜鑒元貞守八字亞栢道人謹觀六字正一靜

應真君第九代嗣真張符寶藏十五字第十代
子祥謹藏七字第十一代通拜守七字神仙之
蹟四字普通三年二月八日散騎常侍領步兵
校尉殷鈞題二十字沈約呂僧珍同觀七字前
有貞觀御選御府圖書雙螭諸璽又張調印軍
假司馬二印又貞觀小璽一又二印不可識後
有宣和御覽璽二巴西鄧氏善之二印又貞觀
小璽一妙楷臺部曲督印二印又八印漫漶不

可識計十三頁頁高五寸三分廣七寸九分

元人書黃庭長生玉經四冊

上等
地一

金粟箋本楷書有梁丘子註第一冊計二十七

頁第二冊計二十四頁第三冊計二十二頁第

四冊計二十四頁頁高九寸七分廣七寸有奇

明人書真武妙經一冊

上等
元一

漆箋本泥金楷書前有正統御製序云朕惟太

極肇判二五攸分陽氣上浮為天垂日月星辰

之象陰氣下凝為地列山岳河海之形五行氣
運於天而春夏秋冬之時以敘質具於地而東
西南北之位以定生成萬物流行不息皆太極
之動靜鬼神之屈伸也鬼神形而上者雖無形
聲之可見聞而其形而下者無物不有無時不
然則昭著而不可掩至使天下之人齋明盛服
以承祭祀洋洋乎如在其上如在其左右者尤
神靈之至顯者也粵惟真武之神化本太陰之

精氣毓天一之水在天的宿列虛危光昭於北極
在地位分壬癸宰制於北方以德之至妙曰大
聖以主宰北天曰玄帝以總攝萬靈曰神君以
統制神兵曰大將軍以默闡天威顯靈三界曰
真武其神靈之妙運無非宣昭太極推移陰陽
幹旋五行造化萬物入幽出明變化無方驅雷
奔電而神妙叵測上游太空稽羣神之功過下
覽六合鑒人間之善惡仁恩所錫必及於善仁

威罰所加不容於邪惡九霄悉賴於真威十極
咸資於神化誠天地之正氣為古今之明神肆
歷代帝王皆敬仰威靈式崇禋祀我祖宗統御
萬方建都神域尊禮百神尤嚴神祀朕自嗣承
大統屢荷鴻釐崇敬之誠益加於昔乃者萬幾
之暇徧閱古今載籍暨諸經典凡其言之有關
於利國利民之道者靡不留心融會以求義理
之指趣間得真武此經觀之若游混沌鴻濛於

太古之初杳冥茫昧莫究其始睹華星寶月於
澄淵之底幽深玄遠莫得其實載覽其言有謂
以不忠不孝不仁不義為惡行以除邪輔正救
護羣品為善道深契天道福善禍淫之理前聖
神道設教之意姑以見聞發揮其槩世之觀者
能沂流而求源由支而探本守太初之天履太
乙之地敦太樸之風達太虛之境則物蒙其惠
人被其仁鬼神歆德天地錫福非惟修真者得

悟道之梯階入聖之門戶而於乾坤開闢之機
鬼神變化之妙亦可探其本源矣是為序正統
十四年三月十七日前有元始天尊像後有護
法像俱泥金畫計二十五頁頁高一尺一寸七
分廣八寸三分

明人書真武妙經一冊

上等黃一

墨箋本泥金楷書前後泥金畫像經序及冊頁
高廣俱與前冊同惟序後闕載年號日月計二

十四頁

明人書玉樞經一冊

上等字一

磁青箋本泥金楷書前有元始天尊像後有靈官像俱泥金畫計四十二頁頁高一尺二寸五分廣八寸有奇

明人書玉皇經三冊

上等字一

磁青箋本泥金楷書前有萬厯勅諭云朕奉天眷命嗣祖洪基夙夜憂勤資成治理每於萬幾

之暇間閱黃老之言恭惟高上玉皇本行集經
讚上帝恢漠神通括天人真機要妙保家寧國
福世康民自古哲王悉加崇重慮以紙墨之流
傳未盡尊經之品義用是朕發誠心頒降帑金
特命虔潔道衆楷書金字玉皇尊經三部九卷
安鎮名山宮觀永遠供奉諷誦祝釐上答皇天
之眷佑恭祈錫慶以覃恩保泰朕躬永延壽福
康禧景運安定臣民所在道流嚴潔禮誦敬護

玉典倍加奉持不許褻玩損失欽哉故諭大明
萬曆四十二年歲次甲寅三月日月月上有廣
運之寶四字第三冊經文後有尊經利益讚云
恭惟玉皇尊經者寓真一之妙示解脫之門味
之者神洽太和誦之者心離諸漏神功妙用廣
博難量是經所在天神侍衛仙聖護持安天鎮
地福國寧邦利濟人天阜康臣庶安供尊嚴功
起萬有晨夕禮誦感應無窮上祝聖壽與天地

以齊年下保海宇並山嶽而同久解冤釋結度
厄消災垂世秘言玄功浩蕩更諮敬信嚴潔尊
崇尊經戒律安供非地墮失人身褻慢戲笑殃
及祖宗誨誦訛漏魂擊迷津葦口讀念惡報縛
形誹謗語褻異類受生妄起雜想災厄交侵不
信果報疾苦加臨間阻禮誦地獄追尋禮誦不
完受比冥中損壞經字天必罰身凡修行戒律
皆學人口傳惟禮誦玉經在志士敬信元科有

律勿犯戒條勸警方來觀者宜慎大明萬厯四
十二年歲次甲寅三月日月年月上有廣運之寶
四字首冊前有玉皇像末冊後有護法像俱泥
金畫第一冊計一百一十一頁第二冊計九十
二頁第三冊計一百頁頁高一尺一寸七分廣
七寸九分

無名氏書

道氏經冊

明人書真君寶誥一冊

次等天一

墨箋本泥金楷書前有真君像後有護法像俱

泥金畫計五頁

明人書玉樞寶懺二冊

次等地一

磁青箋本泥金楷書上冊計五十五頁下冊計

五十一頁

明人書玉樞寶懺二冊

次等元一

磁青箋本泥金楷書頁數與地字號同

明人書玉樞經一冊

次等
黃一

磁青箋本泥金小楷書畫像冊有天尊像後有護法
像俱泥金畫計三十八頁

明人書玉樞經一冊

次等
字一

磁青箋本泥金小楷書畫像冊數俱與黃字號

同

明人書玉樞經一冊

次等
由一

磁青箋本泥金小楷書畫像冊數俱與黃字號

同

明人書玉樞經一冊

洪一
次等

磁青箋本泥金小楷書畫像冊數俱與黃字號
同

明人書參同圖一冊

次等
荒一

墨箋本泥金楷書冊中圖像互見計二十八頁

明人書玉皇經三冊

次等
日一

磁青箋本泥金楷書前有天尊像著色畫第一

冊計二十九頁第二冊計三十一頁第三冊計三十頁

秘殿珠林卷十五

欽定四庫全書

秘殿珠林卷十六目錄

貯

乾清宮

名人書

道氏經卷上等

唐褚遂良書西昇經一卷

唐歐陽詢臨黃庭經一卷

唐僧懷素書老子清靜經一卷

宋高宗臨黃庭經一卷

宋楊后書度人經一卷

宋張即之書清靜經一卷

元趙孟頫書黃庭經一卷

元趙孟頫書黃庭經一卷

元趙孟頫書道德經上下二卷合卷

元趙孟頫書道德經一卷

元趙孟頫書道德經一卷

元趙孟頫書道德經一卷

元趙孟頫書道德經一卷

元趙孟頫書老子一卷

元趙孟頫書金丹四百字一卷

元趙孟頫書陰符經一卷

元蕭宗元隸書道德經一卷

明董其昌書黃庭經一卷

明董其昌書旁釋聖母帖一卷

欽定四庫全書

秘殿珠林卷十六

貯

乾清宮十六

名人書

道氏經卷

唐褚遂良書西昇經一卷

上等天一

硬黃箋本小楷書無款後有元和十五年歲次

庚子閏正月甲辰朔三日丙午持平記旁有裴
度二字蓋裴晉公書也後有古印二方漫漶不
可識前隔水押縫有雙螭宣和二璽又御書璽
一缺其半後隔水押縫有政和璽二宣和璽一
拖尾有內府圖書之印印一又武陵世家顏氏
仲瑛時習齋藏書記江表黃琳美之休伯關內
侯印伯起諸印漢玉軸綠松軸心卷末有錢謙
益尺牘二幅云續訓出宋人手其人學識殊平

平耳餘六卷亦可例知也二卷待秋深涼健方可捉筆吾意西昇經須鈎摹刻石作一小法帖傳世為佳謙益再拜又云歲事刺促殊累處分夕公已道其詳殊非所安也消寒詩已付夕公繕寫可從彼索之昨和韻稿忽失之乞錄一紙見付西昇卷意欲題數語忽忽無好懷且姑置之尚有種種俟促膝面談也謙益叩頭沖箋高七寸三分有奇廣三尺三寸九分

御筆題籤籤上有乾隆宸翰小璽

唐歐陽詢臨黃庭經一卷

上等
地一

唐箋本無款姓名見記語中前隔水有瞿起田
耕石齋真賞印一又黃雲題云黃庭經為逸少
楷書第一向從搨本究竟未免肥瘦之嫌今觀
歐陽率更摹本毫鋒雋發天趣盎然從此想像
右軍運腕若優孟衣冠無從而辨操觚之士當
自得之黃雲識下有瞿稼軒收藏印一又蔣廷

暉記云唐歐陽率更臨黃庭經宣德二年八月
侍書蔣廷暉鑒定前押縫有宣和璽一長字印
一後押縫有緝熙殿寶政和二璽後隔水有賈
似道印印一拖尾有廣運之寶璽一又後隔水
有翟式耜跋云唐文皇最好右軍書一時臣下
皆極意臨摹然惟歐陽率更最能脗合此本必
從真蹟上臨摹者故風神逼肖信希世之寶也
向係錫山安氏秘藏今歸余畊石齋中生平鑒

賞此推第一矣古虞瞿式耜箋高七寸五分有奇廣二尺八寸六分

御筆題籤籤上有乾隆宸翰小璽

唐僧懷素書老子清靜經一卷

上等元一

唐箋本草書款云貞元元年八月廿有三日西
太平寺沙門懷素藏真書時年六十一歲引首
有天籟閣項叔子墨林秘玩子孫世昌張見陽
通志堂藏紙記諸印前押縫有博雅堂寶藏印

宮保世家墨林外史鴛鴦湖長墨林子諸印前
隔水有桃花源裏人家攜李子京父印隱居放
言諸印卷前有神品會心處子京珍秘蘆廬張
字印煮茶亭長張基之印博雅堂寶藏印宮保
世家子孫世昌天籟閣三槐之裔退密項元汴
印子京父印項墨林父秘笈之印項元汴氏審
定真蹟四雲山人漸棠子安珍藏記諸印又紹
興雙螭二璽俱缺其半又二印漫漶不可識挂

角有饑字小號卷中押縫有子京世外法寶壽
日子京所藏有何不可墨林硯癖項氏子京長
病居槁李墨林子若水軒墨林山人項墨林鑒
賞章項叔子赤松仙史神奇元汴之印游方之
外壽日墨林外史神游心賞墨林嬾叟平生真
賞子京父印諸印中有一印三半印俱漫漶不
可識經後有神品賢志堂印神奇寄傲子京父
印項元汴印墨林項季子章槁李項氏世家寶

玩賢志主人見陽子珍藏記宮保世家神崧文
房之印臨樂鄉天籟閣畫錦堂印公子月容龍
池墨林懶叟藻字桃花源裏人家虛朗齋遽廬
項子京家珍藏項墨林鑒賞章明錫山安如磐
鑒賞真蹟諸印挂角有蘇耆家藏四字又六印
漫漶不可識又廣齋墨印一後隔水有隆慶庚
午重裝於幻浮齋十字下有墨林硯癖茶居
士桃里項墨林鑒賞章橋李項氏世家寶玩野

處西疇畊耦墨林項季子章諸印押縫有子孫
永保墨林秘玩蘧廬游方之外墨林堂平生真
賞子京方外元賞子京所藏諸印後有劉世昌
跋云素師居零陵以蕉葉代書目庵曰綠天自
敘云醉來得意兩三行醒後却書書不得又云
人人來問此中妙懷素自云初不知皆透徹向
上一步語所謂一拳打透虛空不為律縛者也
禪與書會顛逸奔放宜具然哉大梁劉世昌謹

題跋前有喬氏簀成墨印一又沈周寶玩墨林

子子京父印惠泉山樵諸印跋後有子京所藏

項墨林鑒賞章敬齋藏法書子安珍藏記寄傲

沈氏

印文模糊

家藏清玩諸印押縫有項元汴印元

汴之印子孫永保沮溺之儔墨林子桃花源裏

人家宮保世家諸印又文彭跋云右唐僧懷素

草書清靜經筆法高古其為真蹟無疑先君於

石田先生處嘗見之每與余言其妙云後有劉

世昌跋尾者是也石田沒歸鄒氏屢欲物色一
觀不可得鄒氏沒又不知流落何處已未秋客
有持示者精神煥發真有驟雨旋風之勢惜先
君不得再見為恨卷後有蘇耆家藏四字耆字
國老其父子兄弟賞鑑精確所藏法書名畫甚
多素師自敘亦嘗在其家又有紹興小璽曾入
思陵秘府韓平原當國時內府珍秘多入其室
畫錦堂印是也在元為喬仲山所藏故有喬氏

竇成印僕平生最好素書所閱甚多未有如此
之妙者也展玩累日不忍釋手因題其後而歸
之是歲嘉靖三十八年也長洲文彭記跋前有
上古下今墨林煮茶亭長諸印後有退密子京
父印墨林山人項子京家珍藏子孫世昌子京
父印赤松仙史諸印箋高八寸八分廣五尺九
寸五分

宋高宗臨黃庭經一卷

上等
黃一

宋篆本無款卷前有紹興璽一前隔水有天籟閣項墨林父秘笈之印梁清標印蕉林鑑定諸印押縫有項墨林鑑賞章墨林子若水軒古林神游心賞項叔子諸印又典字一經前有典字號三字又神品趙字松雪齋項元汴印子孫永保項墨林鑑賞章退密虛朗齋平生真賞宮保世家曹溶鑒定書畫印楊氏家藏諸印又半印不可識卷中押縫有墨林墨林秘玩曹溶張羽

鈞淨因庵主諸印卷後有奉華堂趙氏子昂趙
孟頫印天水郡圖書印神品天籟閣神游心賞
士奇之印墨林子上古下今若水軒樵李項元
汴印墨林山人項子京家珍藏曹溶之印鑒躬
諸印後隔水有項子京家珍藏宮保世家曹溶
秘玩諸印押縫有寄傲古林子京所藏項子京
家珍藏子京墨林山人安定項子京家珍藏諸
印拖尾有邵亨貞跋云向聞唐臨黃素黃庭為

江南法書神品每恨不獲一見邇來故老無存
欲詢其梗槩亦不可得今觀此本以書法攷之
當是光堯御筆所摹無疑自重華而下不能到
也後有奉華堂印乃劉貴嬪閤所藏然衍字畫
混厚而沈著深遠而閒暇自有一種九重之上
氣象與草澤摹倣者不可同日語觀者當求具
學力所至勿以妍媚少之江南屢經兵燹若此
者所存無幾藏者寶之後世將不得而見也嚴

陵後學邵亨貞拜題跋前有天籟閣寄傲項元
汴印子京父印項墨林父秘笈之印項叔子曹
鑒躬氏諸印跋後有桃里子京所藏項墨林父
秘笈之印橋李項氏世家寶玩諸印又張湜跋
云晉書王羲之傳羲之性愛鸞山陰有道士養
好鸞羲之故求市之道士云為寫道德經當舉
羣相贈羲之欣然寫畢籠鸞而歸其任率如此
余按梁虞酥論書表云山陰曇礪村養鸞道士

謂羲之曰久欲寫河上公老子練素早辦無人
能書府君能自屈書道德兩章便合羣以奉於
是羲之便停兩日為寫畢攜鶩去與本傳略全
以二書攷之黃庭似非逸少書韓退之第云數
紙尚可博白鶩而不云何經余又攷之蓋書黃
庭經換鶩與書道德經換鶩自是兩事道家有
黃庭內景經又有外景經及緣身經玉軸經世
例稱為黃庭余家舊藏右軍所書外景經一卷

云永和十二年五月廿五日在山陰縣寫又嘗
於道藏中得務成子注外景經一卷有序云晉
有道士好黃庭之術意專書寫嘗求於人間王
右軍精於草隸而性復愛白鶩遂以數頭贈之
得其妙翰蓋道德經是偶悅道士之鶩因為之
寫若黃庭是道士聞其善書且喜鶩故以是為
贈而求其書此是兩事頗分明緣俱以寫經得
鶩遂使後人指為一事李太白知其為二事故

其詩右軍一篇云右軍本清真滿瀝在風塵山
陰遇羽客要此好驚賓掃素寫道德筆精妙入
神書罷籠鷺去何曾別主人此言書道德經得
驚也送賀賓客歸越一篇云鏡湖清水漾清波
狂客歸舟逸興多山陰道士如相見應寫黃庭
換白鷺此言書黃庭經得驚也太白於兩詩各
言之初未嘗誤嘉定歲在玄默涪灘仲春單父
張溪清源識跋前有退密橋李子京所藏項墨

林父秘笈之印子孫世昌諸印跋後有神游心
賞項元汴印子京父印項墨林鑒賞章淨因庵
寄傲曹鑒躬諸印跋中押縫有古林子京墨林
山人子京父印退密項墨林父秘笈之印宮保
世家子京虛朗齋項子京珍藏諸印後隔水有
蕉林梁氏書畫之印子孫世保二印拖尾後押
縫有若水軒墨林山人項叔子墨林子子京父
印宮保世家寄傲墨林主人項墨林父秘笈之

印諸印卷末項元汴記云宋高宗思陵小楷書
黃庭經名人題識明墨林項元汴謹秘箋高八
寸二分有奇廣三尺三寸八分

宋楊后書度人經一卷

上等字一

素絹本小楷書凡四十二段款識云庚午歲十
一月望日皇后妾楊氏敬書有楊姓之章坤卦
二印卷中經文每段俱有著色繪像無款類宋
畫院本卷前有蒼巖子印一後有梁清標印焦

林居士二印又半印漫漶不可識前隔水有蒼
巖子梁清標玉立氏印章蕉林秘玩二印拖尾
有蒼巖子觀其大畧二印卷中押縫有河北棠
邨印凡二絹高九寸三分廣四丈二尺三寸八
分

宋張即之書清靜經一卷

上等
宙一

素箋本楷書款識云張即之七十歲寫寶祐三
年歲在乙卯秋七月甲寅引首有許初篆書樗

寮真蹟四大字款云後學吳郡許初敬題前有
九如清玩信公珍賞真玩會侯珍賞公字諸印
前隔水有也園珍賞東平槐庭清玩耿會侯鑒
定書畫之章千山耿信公書畫之章御賜忠孝
堂長白山索氏珍藏諸印卷前有會侯珍藏印
一押縫有勃海主人珍藏半古軒珍賞二印又
寶之半印卷中押縫有半古軒會侯珍藏瞻衮
堂諸印又雪舫耿嘉祚湛恩記丹誠耿會侯鑑

定書畫之章諸印經後有友古軒也園索氏收藏
書畫湛恩鼎印雪舫嘉祚忠徹瞻衮堂袁氏珍玩
子孫保之諸印卷後史嵩之跋云樗寮以清靜心
寫清靜經觀其所書知其所存矣寶祐乙卯十二
月甲子史嵩之題跋前有忠徹印一後有琴書堂都
尉耿信公書畫之章二印後隔水有阿爾喜普之印
樂庵湛恩記漢水耿會侯書畫之章雪舫湛恩記
湛恩鼎印樂琴書以消憂也園珍賞諸印押縫有半

古軒珍賞勃海主人珍藏二印拖尾樓鑰跋云清
靜一經亦吾儒正心之學也獨患不能常耳至哉混
元氏之言曰常應常靜常清靜矣人之一心未應物
前能清靜易既應物後能清靜難應而能清是
名常清應而能靜是名常靜心果有常則公之
說亦可治齊相漢不能常焉則雖大學一書亦
難以治國平天下樗寮筆是經余復作是語試以
此論樗寮當亦以為然寶祐丙辰重五日樓鑰題

又鄭清之跋云道之有常之謂經而以清靜名
何以哉清者無溷雜靜者無罔動三才之道不
能外此也第出於黃老之口氣寓意亦少異焉
彼之清清而虛彼之靜靜而寂其如吾道之清
之靜萬理明淨者乎能徇清靜之名體清靜之
實企足無已不患不優入聖賢田地矣雖然吾
亦不能強自深淺也所觀歷陽張氏甫染翰風
致之妙如坐雲霄而覩星辰之燦然者快心驚

魄有不容自已於欣慕也噫鄭清之拜書又吳
志淳跋云經因書而顯書因經而傳二者若相
爲倚也樗寮翁為老氏行易世知已不特心其
心而又述其迹亦可見天地之間功業文字彼
存者亡亡而此亡者存存矣所以致諸公手筆
形容之善亦安知不與樗寮一其志乎是為識
曹南吳志淳又虞淳熙跋云柱下史倚青牛出
五千言已入青羊之肆又出清靜一經馬山侗

謂清心源靜氣海將是北宗元派矣溫夫七十
肘間有神儻早服此二字符耶史子由居閒一
紀鄭德源安晚漁莊樓大防致柔少剛慕年精
敏絕人何必誦所著玉斧十龜萬壽百卷已信
與溫夫臨摹此經如出一手不甘作屏風脚矣溫
夫墨妙在武林惟景德永明二額師李北海而
微見丁頭鼠尾此獨倣褚登善肌理榮枯析八
角垂芒光射蕭臺玉局猶錚錚也忠徹唐舉之

流復於象形具此賞鑒當相字時亦知落烏程
沈郎手不溫夫往仕烏程更留神蹟沈郎得之
既尊性命兼獲至寶翻笑米顛据舡浪語耳瞻
子虞淳熙書樓鄭吳三跋前俱有忠徹印虞跋
後有耿會侯鑑定書畫之章印一跋中押縫有
半古軒半古軒珍賞勃海主人珍藏印凡七箋
高八寸七分廣七尺六寸五分

御筆題籤籤上有乾隆宸翰小璽

元趙孟頫書黃庭經一卷

上等洪一

宋箋本款識云皇慶元年春正月水晶宮道人載書下有趙氏子昂印一後有陳氏子子孫孫永寶之印一前有大雅玩寶二印卷高六寸有奇廣二尺五寸有奇

元趙孟頫書黃庭經一卷

上等洪二

素絹本前有老子像著色畫前款云周李老聃撰晉王羲之書吳興趙孟頫臨并畫前有書畫

舫雙螭古

漫漶

周氏子舉圖書諸印後款云水

晶宮道人校閱尾有會心湖陽二半印後隔水

有趙氏子昂天水郡圖書印二印引首有灑金

素箋金書宣德元年三月三日重裝十字後有

子孫億世家傳之寶侍講學士之章二印前後

隔水有一印漫漶不可識拖尾王錫爵題云上

清有仙客游世等空虛養成丹竈火讀罷黃庭

書脩然遺世氛高卧白雲居白雲何悠悠長日

護茆廬澗影同淡蕩天光隨轉移卷舒閒自得
道心與之俱隱几朝元去逍遙恣所如石牀翻
蝶夢絳闌迴羽車欲躡松喬跡渺渺正愁予王
錫爵後有永傳為褒忠世家所寶黃氏子印二
印絹高九寸三分廣三尺六寸三分

御筆題籤籤上有乾隆宸翰小璽

元趙孟頫書道德經上下二卷合卷

洪上等三

宋箋本小楷書上卷金絲九十三行款識云皇

慶二年歲在癸丑暮春之初吳興趙孟頫書有
趙氏子昂天水郡圖書印二印引首有天籟閣
王永寧印若水軒項子京家珍藏染翰齋珍藏
子京項墨林父秘笈之印子孫世昌諸印又一
印漫漶不可識又三印俱缺其半存靜因田疇
墨林六字經前圓光泥金畫老子像有趙字大
雅遂廬南禺世史堯封項氏子京項元汴氏審
定真跡王永寧印項叔子項墨林鑑賞章世外

法寶項墨林鑑賞法書名畫墨林項季子章有
何不可鳳字沈民則侍講學士之章神品神奇
子孫保之染翰子孫永保彭城禧字劉延伯氏
子京墨林子諸印又委字收藏號一又四印不
可識又二印缺其半存亭長裏人家五字又長
字印微缺卷中押縫有合同神品墨林長字諸
印卷後有墨林秘玩神品天官考功大夫印賁
茶亭長神游心賞豐人叔氏吳廷美印退密古

桂堂子孫永保忠定公之後清樾吟窩墨林秘
玩子孫世昌子京珍秘宇宙間之至寶南禺世
史雲山玩易樓池塘春草伯曼雲蘿館印震澤
張氏桐柏山人桃里染翰長安平生真賞彭圖
逸民項元汴氏審定真蹟禧字劉延伯氏宋贈
禮部尚書繼封縉雲郡朗和侯謚清敏府君十
有四世子孫五湖張森三吳張氏書畫舫伯明之
印子京所藏諸印又四印不可識又長字田

疇二半印下卷金絲一百一十五行款識云癸丑四月集賢侍講學士中奉大夫趙孟頫書下有趙氏子昂天水郡圖書印二印經前有趙字大雅神品鳳字來儀齋子京珍秘染翰元汴墨林山人項子京家珍藏墨林諸印又二印缺其半惟長字可辨卷中押縫有合同神品子京長字諸印卷後有墨林秘玩彭城劉延伯氏元汴之印清敏公家王永寧印寄傲宇宙間之至寶

天籟閣禧字子孫永保項叔子神品染翰世外
法寶項元汴印項墨林父秘笈之印諸印又二
印缺其半惟長字墨林三字可辨又一印漫漶
不可識拖尾有豐道生跋云自唐開元書法漸
壞逮宋南渡古法盡亡趙承旨獨擅中興之功
此卷道德經圓勁飄逸直與右軍黃庭並驅爭
先衡山文待詔以小楷妙天下平生惟學此耳
非墨林子好古博雅未易精鑒也珍重珍重嘉

靖四十三年五月望日南禺世史豐道生題跋
前有子京珍秘項元汴氏審定真跡宮保世家
橋李項氏世家寶玩瞻近堂收藏印道生之印
平生真賞染翰神品諸印又一印漫漶不可識
又一印缺其半跋後有吳治之印學甫二印卷
尾有嘉靖三十七年項元汴珍賞十一字箋高
八寸七分上卷廣四尺一寸六分下卷廣四尺
一寸五分籤題元趙松雪楷書道德經真跡瞻

近堂重裝珍藏有長安小印蓋邢侗筆也

元趙孟頫書道德經一卷

上等洪四

宋箋本楷書款識云延祐四年歲在丁巳三月

望集賢學士資德大夫趙孟頫書下有趙孟頫

印趙氏子昂二印又治溪漁隱印缺其半前有

趙字大雅松雪齋圖書印三印卷中押縫有合

同印凡三拖尾王穉登跋云趙榮祿本吳興人

子客吳興日見諸好事家所藏皆贗迹即有真

本不過短篇小牘殘墨數行耳文壽承先生為
苦博士每舉此向予拊掌不謂朱太傅家五千
言乃為姚伯道所得豈特為吳興人增色亦當
為趙魏公吐氣矣後有予書蓋在穆廟臨御初
年今為萬厯庚子屈指三十四伏臘而余且颯
然老矣伯道索重題感而書此真若盧生支枕
與房相窺壘時也是年二月朔釋登再書又跋
云趙承旨書道德經余嘗見三本皆真跡一在

王箕泉太守家一在黃樵父處後歸項子京一
在朱太傅家乃宜興洑溪徐文靖公物即此本
也昔在燕都與文博士壽承在太傅綠蔭亭品
隲法書余謂王本蕭疎項本古遠兼而有之當
在此本太傅及壽承謂余言良是今不知何緣
流落於此王謝堂前烏衣鳥飛入民家蓋千古
已然矣隆慶改元三月上巳太原王穉登謹書
跋後有蒼巖子蕉林居士二印又有萬曆五年

秋八月吳郡湯傑重裝於樂志堂中十八字箋
高七寸五分廣一丈四尺八寸三分

元趙孟頫書道德經一卷

上等洪五

磁青箋本泥金行楷書款識云老子道德五千
言義甚博而深非聖人不能道識者愛之貴和
法師以泥金而求予書不知所重而能然哉延
祐三年六月廿四日翰林學士承旨榮祿大夫
知制誥兼修國史三教弟子吳興趙孟頫焚香

識上鈐趙氏子昂松雪齋二印引首有脫脫木
兒楷書翰林妙筆四大字款署脫脫木兒前有
寶玩印一經前有皇帝圖書寶玩之記好學孔
孟二璽又雅素鈐字二印卷中押縫俱有中正
鈐字二印凡五十九又萬歷之璽璽一經後有
正心誠意御府圖書寂然不動感而遂通三璽
拖尾虞集隸書跋云道德經老子言道德之蘊
趙承旨與貴和道誼甚篤故為書此亦自神妙

與之相稱誠可作萬世之寶也青城山樵跋前
有日麗中天之寶璽一又張翥跋云趙文敏公
書法晉人此卷是公所書虞伯生謂可以稱道
德誠確論也張翥又宋克跋云余觀趙公書多
矣未有此卷之尤神妙也保之保之東吳宋克
跋箋高九寸一分廣三丈三尺七寸三分

元趙孟頫書道德經一卷

上等
洪六

磁青箋本泥金小楷書款識云大德九年十月

既望吳興趙孟頫沐手敬畫并書後有趙氏孟頫子昂泥金二印經首有趙字松雪齋泥金二印後有柯九思印一卷前有老子授經圖泥金畫圖上隸書老子小傳畫首有神品金印又柯九思印一又一印不可識畫後有王冕印一箋高六寸六分廣六尺三寸七分

御筆題籤籤上有乾隆宸翰小璽

元趙孟頫書道德經一卷

上等洪七

磁青箋本沈金行楷書款識云至正元年九月
十九日翰林院學士承旨榮祿大夫知制誥兼
修國史吳興趙孟頫書下有趙氏子昂松雪齋
二印引首有虞集隸書金書道德四大字款識
云至正十年九月十三日青城山樵虞集隸古
於白雲堂前有世家印一經後有魏國世家開
國伯世家趙奕趙氏仲光鄧文原印張伯雨父
藏真宋克私印柳莊諸印拖尾默齋跋云道德

經五千言為老子所作其言甚該博誠仙家聖人之言也想趙文敏公泥金作書之時意涉虛無故其書翩然若神此又非常時所書可比余聞孫過庭云王右軍書樂毅與黃庭氣象不同觀此軸信然既識而藏之可不寶諸翰林默齋箋高七寸五分有奇廣三丈七尺有奇

元趙孟頫書老子一卷

上等洪八

宋箋本楷書款識云老子書八十一章以九為

節而又重之以九合天地自然之數命之曰道
德經其言精瑩粹美有金寶之光下卷四十四
章著德之用為多德者得也行道而有所得之
謂也然名雖為得實無所得遠自天道適極人
事上自天子下至庶人可以榮富可以貧賤可
以用世可以退隱皆以不得為得得之實故曰
無為曰自然而參極乎宇宙事物之常變罔不畢
具至於養智藏用蓄威昭德斂精自保之法

推之以保國保天下此理尤致心焉後世以偏
曲之見註釋愈多而愈失其旨至有妄為句讀
大悖經義者孟頫深見其謬悉與去之重為繕
寫庶不失其初以俟深於道德者攷訂焉此必
熟玩深察心領神會自然知之不當與淺見寡
聞道也辛亥閏七月集賢侍讀學士中奉大夫
趙孟頫書下有趙孟頫印印一經首有大雅松
雪齋二印又跋云學書之法不可大拘不拘則

弱不可太放太放則失古人之意不拘不放能
謹而不失之弱任而不失之放斯得之矣徐繼
真書道德經世惟見其上本所謂德經者殆缺
焉余臨其上卷而補作此卷恐失拘且放也觀
者當以意外求之越又二年子昂重題此跋首
有趙字印一下有趙氏子昂天水郡圖書印二
印箋高七寸五分廣一丈八寸三分

元趙孟頫書金丹四百字一卷

上等
洪九

磁青箋本泥金行楷書款識云夫神仙之道自古有之觀黃帝老君王子喬皆有相承自漢唐以至於今代不乏人此必天資穎敏才力過人然後能為之今之迂儒惟攻文字干祿之學而不能窺其門牆則曰天地之間有萬物孰不有生孰不有死觀夫春焉而物生夏焉而物齊秋焉而物衰冬焉而物死而歸藏矣此言固有理然而黃帝之白日飛昇與夫賢之相繼而仙者

可歷歷而指數也故朱晦翁見白玉蟾之神變而形諸詩曰刀圭一入口白日生羽翰我欲往從之脫屣亮非難然則晦翁非不用心於是者也余亦篤信斯道但壯年時縻於廩祿至于今日悔之遲也松江夏德俊天資秀敏讀儒書有名於時近遇真人吳全節指示金丹四百字用工之序似乎有得而甚保之至大四年七月望後四日爛金為泥特顧余於水精宮求書以傳

萬世是余同道者樂為書一過也三教弟子趙孟頫頓首識箋高九寸九分廣二丈一尺六寸三

分

元趙孟頫書陰符經一卷

上等洪十

元仿澄心堂箋本小楷書款識云大德五年仲

夏六月奉道弟子吳興趙孟頫謹寫下有趙氏

子昂趙孟頫印二印經前有大雅印一後有怡

齋珍玩嚴澂天池山人臣圻石颿嚴圻之印諸

印箋高六寸三分廣一尺五寸七分

元蕭宗元隸書道德經一卷

上等
荒一

宋箋本隸書款識云至正十五年歲次乙未天
中節日弟子蕭善齋焚香敬書下有宗元子從善
書印二印經前有篆書道德經三字下有妙品
朱之赤鑒賞第一希有明安國玩諸印後有
明安國玩吳興王齊鑒過物休寧朱之赤珍
藏圖書諸印卷尾有神物護持朱卧庵收藏二

印箋高八寸一分廣一丈六尺有奇

御筆題籤籤上有乾隆宸翰小璽

明董其昌書黃庭經一卷

上等日一

宣德黃表箋本楷書款識云右軍書如鳳翥鸞迴跡似奇而反正今世所傳黃庭經乃王著摹

不無習氣余以內景筆法參合為之董其昌下有董氏元宰印一箋高一尺三寸九分廣五尺

七寸五分

御筆題籤籤上有乾隆宸翰小璽

明董其昌書旁釋聖母帖一卷

上等日二

素綾本草書通卷俱旁釋小楷款識云懷素書以聖母帖為最乃全類右軍骨肉勻稱自叙太瘦亦遠前規字不可讀因為旁釋學狂草者請從此入董其昌下有董其昌印知制誥日講官二印卷首有元賞齋印一高八寸五分有奇廣一丈二尺四寸四分

秘殿珠林卷十六

欽定四庫全書

秘殿珠林卷十七目錄

貯

乾清宮

名人書

道氏經卷次等

唐柳公權書常清靜經一卷

宋黃庭堅書黃庭經一卷

宋朱子書陰符經一卷

元趙孟頫書黃庭經一卷

元趙孟頫書黃庭經一卷

元趙孟頫書太上感應篇一卷

明董其昌書太上感應篇一卷

無名氏書

道氏經卷上等

唐人模王羲之黃庭經一卷

無名氏書

道氏經卷次等

唐人臨王羲之道德經一卷

名人書

道氏經軸上等

明董其昌書清靜經一卷

欽定四庫全書

秘殿珠林卷十七

貯

乾清宮十七

名人書

道氏經卷

唐柳公權書常清靜經一卷

次等天一

素箋本楷書款云起居郎柳公權敬書拖尾有

張栻廉布任詢鄧文原諸跋

宋黃庭堅臨黃庭經一卷

次等
地一

素絹本無款經末有山谷道人印一

宋朱子書陰符經一卷

次等
元一

素箋本泥金篆書款識云大宋淳熙十有五年

歲在戊申七月甲子提舉浙東崇政殿學士臣

新安朱熹沐手拜臨經後有陳履脫脫記語二

又未識文一類元代國書引首有立天之道四

字按跋語云明太祖筆又前有未識文四字類
元代國書拖尾有邱律楚材陳履脫脫汪廣洋
詹同宋濂傳有德楊榮楊一清林俊焦竑諸跋
按此前後題跋俱非真跡其金書蓋後人從拓
本塗寫者究為先賢之跡故入次等

元趙孟頫書黃庭經一卷

次等
黃一

素箋本款識云大德四年二月之既望吳興趙
孟頫臨又自跋一前有素絹本梁楷白描畫換

鵝圖款署梁楷引首有文徵明大隸書換鵝圖
三字款署徵明拖尾有鄧文原凌宴如倪瓚許
衡諸跋

元趙孟頫書黃庭經一卷

次等黃二

素箋本款識云大德二年七月十三日趙孟頫
臨拖尾有鄧文原王世貞項元汴諸跋

元趙孟頫書太上感應篇一卷

次等黃三

素箋本楷書款識云大德二年九月吳興趙孟

頻謹書又自跋一鮮于樞跋一拖尾文徵明跋

一王世貞記語一

明董其昌書太上感應篇一卷

次等字一

素絹本楷書款識云太上垂訓甚多獨感應一篇於居常日用之間尤為親切詳盡吾人能力行之未有不蒙天之祐者也今夏掩闔無事敬錄一篇置之座右以當清夜晨鐘耳辛未四月下

浣併識董其昌

無名氏書

道氏經卷

唐人摹王羲之黃庭經一卷

上等天一

素絹本第三十七行缺三字經前一印缺其半
存圖書二字經後有台僊二字上鈐陳氏圖書
印一又寶字韓逢禧印劉完私印劉中守氏王
用文氏忠孝之家諸法空相諸印又二印不可
識前隔水有晉王羲之黃庭經七字上鈐雙螭

璽一蓋宋徽宗筆也押縫有宣和小璽一雲東
藏室印一又御書璽一缺其半後隔水有大觀
長璽押縫有宣和政和小璽二拖尾有昆侖山
房圖書內府圖書之印韓世熊印韓逢禧書畫
印韓逢禧印諸印卷末有崇禎十七年甲申春
二月睢陽袁樞楊羨張永禧同觀於韓古洲半
山草堂古洲名逢禧三十四字下有雲東藏空
印一絹高七寸四分廣一丈八寸六分

無名氏書

道氏經卷

唐人臨王羲之道德經一卷

次等天一

素絹本楷書拖尾有蕭子雲智永虞世南褚遂良顏真卿蔡京賈似道鮮于樞趙孟頫許國諸跋又靈徹蔡卞吳居厚鄧文原諸記語


名人書

道氏經軸

明董其昌書清靜經一軸

上等天一

素箋本大行書清靜經二句款識云仲醇稱西
蜀趙文肅公語曰人知呼吸天地不知天地亦
呼吸我余今以清靜經意書此二語董其昌下
有董元宰印一箋高三尺八寸廣九寸六分



秘殿珠林卷十七